

禮部

儀衛

相見禮

欽定大清會典事例卷四百七

禮部

儀衛

儀衛通例 王公儀衛 福晉夫人儀衛

公主以下儀

儀衛通例。凡儀衛親王。紅羅繡五龍曲柄繖

一。紅羅繡四季花繖二。紅羅銷金瑞草繖二。紅

羅繡四季花扇二。青羅繡孔雀扇二。立瓜臥瓜

骨朵。吾仗各四。大纛二。條纛二。旗槍十。

各依本旗色。

豹尾槍四。儀刀四。馬六匹。世子。紅羅繡四龍曲

柄繖一。紅羅銷金瑞草繖二。紅羅繖一。紅羅繡

四季花扇二。青羅繡孔雀扇二。立瓜。吾仗各四。

臥瓜骨朵各二。大纛一。條纛一。旗槍八。豹尾槍
二。儀刀二。馬六匹。郡王。紅羅繡四龍曲柄繖一。
紅羅銷金瑞草繖二。紅羅繡四季花扇二。青羅
繡孔雀扇二。立瓜吾仗各四。臥瓜骨朵各二。條
纛二。旗槍八。豹尾槍二。儀刀二。馬六匹。以上執
事人。轎夫用繡團獅綠緞衣。親王以下。入八分
公以上。轎夫執事人均黑氎帽綴絨纓。上安銅
管。插紅翎。繫紅布帶。貝勒。紅羅銷金瑞草繖一。
紅羅繡四季花扇二。立瓜臥瓜骨朵吾仗各二。
條纛一。旗槍六。馬四匹。長子同貝子。紅羅銷金

瑞草繖一。紅羅繡四季花扇二。立瓜骨朵吾仗各二。條燾一。旗槍六。鎮國公。紅羅銷金瑞草繖一。青羅繡孔雀扇一。骨朵吾仗各二。旗槍六。輔國公與鎮國公同。以上執事人。轎夫用素綠緞衣。鎮國將軍。杏黃繖一。旗槍六。輔國將軍同。奉國將軍。旗槍四。鎮國將軍以下至宗室。轎夫執事人均黑氍帽。上安裏錫木頂。插綠翎。用青布衣。繫綠鑲紅布帶。遇元日。

萬壽聖節冬至朝賀之期。各儀衛全設。常日在京師。親王用曲柄繖一。紅羅繖扇各二。立瓜臥瓜。

骨朵吾仗全。馬四匹。引導十人。世子減曲柄繖。及引導二人。餘視親王。郡王馬二匹。餘視世子。貝勒繖一。立瓜臥瓜骨朵吾仗全。引導六人。貝子用立瓜骨朵吾仗。引導四人。鎮國公用骨朵吾仗。引導二人。輔國公同。鎮國將軍用前引二人。後從六人。輔國將軍前引一人。後從四人。奉國將軍後從同。若因事出京。王以下均全設如儀。固倫公主。紅羅曲柄繡寶相花繖一。紅羅繡寶相花繖二。青羅繡寶相花扇二。紅羅繡孔雀扇二。黑纛二。立瓜臥瓜骨朵吾仗各二。引導十

人。和碩公主。減寶相花扇。及引導二人。餘視固倫公主。郡主。減曲柄繖。臥瓜。引導二人。餘視和碩公主。以下執事人衣帽與親王同。縣主。寶相花繖一。寶相花扇二。立瓜。吾仗各二。引導二人。以上執事人衣帽與貝勒同。親王。福晉視固倫公主。世子。福晉視和碩公主。郡王。福晉視郡主。貝勒夫人視縣主。遇朝賀日。固倫公主許隨入侍女五人。親王。福晉。和碩公主。世子。福晉。四人。郡主。郡王。福晉。縣主。三人。郡君。貝勒夫人。二人。縣君。貝子夫人。鄉君。公夫人。各一人。固倫公主。

額駙。紅繖二。豹尾槍二。旗十。紅仗二。執事人有帽銀頂。插紅翎。青衣紅帶。和碩公主額駙。杏黃繖二。旗十。紅棍四。大小扇二。各飾方金四。執事人紅帽銅頂。插綠翎。青衣紅帶。郡王額駙。杏黃繖一。旗十。紅棍四。扇二。各飾方金三。縣主額駙。杏黃繖一。旗六。郡君額駙。旗如之。縣君額駙。旗四。鄉君額駙。旗二。公視和碩公主額駙。侯金黃棍四。餘視郡主額駙。其有加級者。棍得用紅。伯扇二。各飾圓金一。餘視侯。子繖一。旗八。棍二。扇二。各飾圓金四。男旗六。扇二。各飾圓金三。餘視

子。京官一品視子。二品視男。三品扇二。各飾圓金二。餘視二品。四品旗四。扇二。各灑以金。餘官均用素扇一。宗室覺羅之有職者。各從其品。其扇柄及棍。均髹以朱。各儀衛出京外得全設在京師。不得用旗繖黃棍。公以下三品官以上得用前引二人。後從一品官八人。二品六人。三品四人。四品二人。五品以下一人。文官三品以上得用甘蔗棍二。武職三品以上得用椶竹棍二。自一品至九品。均得用扇。扇各用清漢字書銜。若

進

皇城内。大扇棍及前引人。均不得入。直省官。文官
總督旗八。飛虎旗黃繖扇。兵拳雁翎刀。獸劍黃
棍。桐棍。槊各二。槍四。迴避牌二。肅靜牌二。巡撫
槍二。減飛虎旗。兵拳雁翎刀。餘視總督。布政使
按察使旗六。減獸劍。桐棍。槍。餘視巡撫。道。知府
旗四。黃繖扇各一。桐棍。槊。迴避。肅靜牌各二。府
倅。知州。知縣。藍繖一。減迴避牌。餘視知府。縣佐
藍繖一。桐棍二。學官。藍繖一。雜職。竹版二。總督
河道。漕運。視總督。學政。織造。三品以上。視巡
撫。四品以下。視兩司。武官。提督。刑杖二。減桐

棍槩棍。餘視總督。總兵官槍二。大刀二。減兵拳
雁翎刀。刑杖。餘視提督。副將旗六。黃纛一。扇二。
黃棍迴避肅靜牌各二。參將遊擊都司旗四。扇
一。桐棍二。餘視副將。守備減牌。餘視都司。駐防
將軍視內都統。副都統以下官。均與京官同。
凡輿馬。王公乘明轎。親王世子郡王貝勒輿夫
八人。貝子公四人。暖轎。親王金黃蓋金黃幃紅
幃。世子紅蓋金黃幃紅幃。郡王紅蓋紅幃紅幃。
貝勒紅蓋青幃紅幃。貝子紅蓋紅幃青幃。鎮國
公阜蓋紅幃阜幃。輔國公青蓋紅幃青幃。均用

銀頂馬韁。親王世子郡王用金黃。貝勒貝子用紫。公用青。公主親王世子郡王福晉用金黃。長子貝勒貝子夫人用紫。公主以下縣主以上乘轎及車。郡王以下乘車。幃蓋幃均用繒。固倫公主金黃蓋四角緣紅。和碩公主紅蓋四角緣金黃。均紅幃。金黃幃。郡主紅幃。蓋角緣阜。縣主青幃。蓋角緣青。均紅蓋紅幃。郡君青幃紅蓋四角緣青。縣君阜幃阜蓋四角緣紅。均紅幃。鎮國公女鄉君阜蓋四角緣青。阜幃紅幃。輔國公女青幃。蓋去緣飾。餘視鎮國公女。王福晉以下。貝勒

夫人以上乘轎及車。貝子夫人以下乘車。郡王
長子福晉以上得用朱轅。奉國將軍淑人以上
均得用朱輪。幃蓋幃均用繒。鎮國將軍夫人以
下繒用素。親王福晉金黃幃。世子福晉紅幃。郡
王福晉阜幃。均紅蓋紅幃。蓋角緣阜。貝勒夫人
蓋角緣阜。阜幃。貝子夫人蓋角緣青。青幃。均紅
蓋紅幃。鎮國公夫人蓋角緣紅。輔國公夫人蓋
角緣青。均阜蓋阜幃。紅幃。王以下公以上各側
室均降適一等。鎮國將軍一品夫人阜蓋。輔國
將軍夫人青蓋。均青幃。紅幃。奉國將軍淑人幃。

蓋幃均用皂。奉恩將軍恭人如之。閒散宗室青
幃。餘亦如之。京官滿洲文武均乘馬。一品文官。
年老疾病不能乘馬者。許乘轎。漢人文官乘轎。
三品以上頂用銀幃。蓋用皂。在京舁夫四。出京
舁夫八。四品以下頂用錫。舁夫二。出京四。直省
文官乘轎。督撫舁夫八。司道以下教職以上舁
夫四。雜職乘馬。餘同京官。總督河道漕運視總
督。學政織造暨各

欽差官。三品以上視巡撫。四品以下視兩司。武官。將
軍副都統提督總兵官視巡撫。副將視兩司。協

領參遊以下均乘馬。文三品武二品官以上用引馬。文武四品官以上馬繫繁纓。各品官命婦乘車。輪轅均用黑色。民公夫人蓋角緣阜。侯伯夫人蓋角緣青。均綠蓋阜。幃綠幃。子一品夫人阜蓋四角緣綠。餘視伯。男夫人去緣飾。餘視子。品官命婦。一品視子。二品視男。三品阜幃。餘視二品。四品青幃。餘視三品。五品以下均青蓋。餘視四品。三品以上命婦頂用銀。餘均用錫。幃蓋幃。二品以上命婦用繒。餘均用布。

王公儀衛。○崇德元年定。親王銷金紅繖二。纛

二。旗十。立瓜骨朵各二。吾仗四。郡王銷金紅繖一。纛一。旗八。臥瓜二。吾仗四。貝勒旗六。骨朵紅仗各二。繖纛視郡王。貝子畫雲紅繖一。豹尾槍二。旗六。紅仗二。城內止用繖仗。鎮國公紅繖一。餘視貝子。城內止用紅仗。以上各執事人均青衣紅帶。青帽銀頂。上插紅翎。輔國公豹尾槍一。餘視鎮國公。城內止用紅仗。執事人青衣紅帶。藍翎紅氍帽。鎮國將軍金黃繖一。旗六。城內用前引二名。後從六名。輔國將軍旗繖視鎮國將軍。城內用前引一名。後從四名。奉國將軍旗四。

城內用後從四名。○又定王公等至

御前。均不得設儀衛。○順治九年題准。親王紅羅繡

五龍曲柄繖一。紅羅銷金繖二。紅羅繡花繖二。

紅羅繡花扇二。青羅繡孔雀扇二。立瓜臥瓜骨

朵吾仗各四。大纛二。條纛二。旗十。大刀二。豹尾

槍二。馬六匹。京城內止用曲柄繖一。繡花繖扇

各二。立瓜臥瓜骨朵吾仗全。馬四匹。世子紅羅

繖一。臥瓜骨朵吾仗各二。大纛條纛各一。旗八。

大刀二。減紅羅繡花繖豹尾槍。餘視親王。京城

內止用銷金繖二。繡花扇二。立瓜臥瓜骨朵吾

仗全。馬四匹。郡王吾仗四。條纛二。減紅羅繖大
纛大刀。餘視世子。京城內用馬二匹。立瓜臥瓜
骨朵吾仗全。繖扇視世子。貝勒紅羅繡金繖二。
紅羅繡花扇二。立瓜臥瓜骨朵吾仗各二。條纛
一。旗六。馬四匹。京城內止用銷金繖一。立瓜臥
瓜骨朵吾仗全。貝子紅羅銷金繖一。減臥瓜及
馬。餘視貝勒。京城內止用立瓜骨朵吾仗。鎮國
公紅羅銷金繖一。青羅繡孔雀扇一。骨朵吾仗
各二。旗六。京城內止用骨朵吾仗。輔國公儀衛
視鎮國公。鎮國輔國奉國各將軍。仍照崇德元